

四庫全書

子部

欽定四庫全書

緯略卷四

宋 高似孫 撰

細氈

王吉曰廣厦之下細氈之上明師居前勸誦在後上論
唐虞之際下及殷周之盛按韵集曰氈細罽也班固與
弟超書曰月支氈毼小大相雜但細好而已亦用細字
林登續博物志曰劉學儀謂北狄為氈鄉氈鄉未有人
用後漢西域傳注氈曰毛席亦佳

青氈

王子敬在齊中卧偷人取物一室之內略盡子敬呼曰偷兒石染青氈是我家舊物也可特置否於是群偷置

物驚走

語林

按海南傳曰調

一作波

斯國有青石染氈絳染

氈也石染青氈事出於此又魏武帝與楊彪書曰今贈足下青氈牀褥三具三國時已用此杜詩今晨降白露還憶舊青氈于鵠詩醉卧枕歌木坐寒展青氈

氈氈氈

張衡四愁詩曰美人贈我氍毹毹古樂府詩請客上北
堂贈我氍毹氍衡詩蓋用此諸葛亮集詔答恢曰行當
離別以為惆悵今致氍毹一魏略曰大秦國以野蠶作
繭織成氍毹文出黃白黑綠則漢魏間所施也按通俗
文曰織毛褥謂之氍毹聲類曰氍毹毛席也廣志曰氍
毹用氍毛織也出南海又通俗文曰氍毹之細者謂之
毹毹毹者施大牀之前小榻之上所以登而上牀者
魏畧亦曰出大秦國以羊毳木皮野絲為之有五色九

色鮮於東海所作東觀漢記曰景丹率衆至廣阿光武出城外馬坐於氍毹氍毹上設酒肉杜篤邊論曰匈奴請降氍毹罽帳幔氍毹裘積如邱山蓋謂是也

李尤牀銘

銘曰體之所安寢處之歡夕則敬慎崇德遠姦吁尤之旨深矣一出有堅床銘曰體之所安寢處知歡久則敬慎崇德遠姦知字久字蓋字訛也蔡邕枕銘有曰哲人降鑒居安思危又切於尤也

毛布

常光輝毛詩問曰七月之詩無褐箋曰褐毛布也賤者之所服毛布二字甚佳說文曰罽西胡毳布也用毳布尤新然不知禹貢所謂皮服卉服直是下字奇古陸機詩嘉卉獻時服靈術進朝飧卉服二字拆用尤精南方以竹為布郡國志寰宇記輿地志但曰竹布耳而庾翼與燕王書曰今致竹練三端用竹練尤奇諸葛恢表直曰織絺細竹顏測集有謝絹葛啟曰冰紈風綌劉孝綽

詩釣舟畫彩鷁漁

一作遊

子服冰紈冰紈出漢地里志齊

俗織作冰紈綺繡純麗之物師古曰其色鮮潔如冰紈
風俗却少用也劉楨瓜賦曰承之瑀槃幕以織締公幹
曾用織綌也

火浣布

列子曰周穆王大征西戎獻昆吳劍火浣布劍切玉如
泥布浣之必投火中布色益明出而振之縞然疑乎雪
魏志青龍二年西域重譯獻火浣布詔大將軍太尉

臨試以示百僚

搜神記曰西域獻火浣布魏初時人疑之文帝以為火性酷烈無含育之氣著

之典論明其不然

按南史曰南海諸簿國有自然火洲樹生火

中人績其皮為布與蕉麻無異色微青若小垢投火中則精潔此言木也又按吳錄曰日南取火鼠毛為布名火浣布此言鼠也又按東方朔神異經曰南荒之外有火山生不燼之木晝夜火燒火中有鼠重百斤毛長二尺餘細如絲織作布以水沃之即死雖皆言鼠木而只言鼠可作原無布耳唯抱朴子曰火浣布有三種其一

曰海中肅丘有自生火春起秋滅洲上生木木為火焚

不糜但小

一無小字

焦黃人或得薪俱如常薪但不成灰炊

熟則以水滅之使復更用如此不窮夷人取此木華績
以為布一也又其木皮赤剝之以灰煮治以為布簾不
及華俱可火浣二也又有白鼠毛長三寸居空木中入
火不灼其毛可績為布三也據諸家所記惟葛稚川之
言最為該的梁四公記載杰公至市見商人賣火浣三
端杰公遙識曰此火浣布也二是緝木皮所作一是鼠

毛所作因問木鼠之異公曰木堅鼠柔是可別也以陽

燧火山陰柘木熬之木皮改常試之果驗

王褒詩單衣大浣布利劍

水精珠李願詩大浣單衣繡方領茱萸錦帶玉盤囊此蓋梁冀會群僚服大浣中單也

白疊

杜詩細軟青絲履光明白疊巾王昌齡詩手巾花疊淨

香帔

一作被

稻畦成按漢書所謂苴布注曰白疊也吳時

外國傳曰諸簿國用安子草織作白疊花布王昌齡所用者此也南史曰高昌國有草實如繭中絲為細纒名

曰白疊安子國人取以為布甚為輒白其言甚明也

五時食

蔡邕月令論曰問者曰春食麥羊夏食菽雞魚之屬但以為時味之宜不合於五行月令服飾器械之制皆從五行者說所食獨不以五行不已略乎曰亦嘗思之矣凡十二辰之會五時所食者必家人所蓄丑牛未羊戌犬酉雞亥豕而已其餘虎以下非食也

食櫟

弘君舉食檄有所謂麀臍牛腓炙鴨脯魚熊白麀脯糖
蟹車螯如何脍極侈於味去其甚者猶食白魚鮓脯糖
蟹嘗食蚶蠣使門人議之鍾岢曰鮓之就脯驟於屈伸
蟹之將糖躁擾彌甚仁人用意深懷如怛至於車螯蚶
蠣眉目內闕獷殼外緘無香無臭與瓦礫何異宜充庖
厨永為口實脍之視君舉蓋無以優劣也

宋景文公絕
筆詩宣父蒲

菹真可學鍾岢
蚶蠣更無求

其視所謂赤米白鹽綠葵紫蓼春初早

韭秋末晚菰萬萬不侔矣

奕

孟子曰奕秋通國之善奕者也使奕秋誨二人奕其一人專心致志惟奕秋之為聽其一人雖聽之一心以為有鴻鵠將至思援弓繳而射之雖與之俱學弗若之也左傳曰甯喜許納衛獻公太叔文子曰今甯子視君不如奕棋奕者舉棋弗定不勝其偶而況置君弗定乎所謂舉棋弗定者其一心以為有鴻鵠將至者乎班固奕旨曰北方之人謂棋為奕揚雄方言曰圍棋者自關東

齊魯之間謂之奕

擊壤

藝經曰擊壤古戲也釋名曰野老之戲也逸士傳曰堯時有壤父五十人擊壤於康衢或有觀者曰大哉堯之為君也壤父作色曰吾日出而作日入而息鑿井而飲耕田而食帝何力於我哉此藝經所謂古戲也玄晏云尚有此戲矣風土記曰擊壤者以木作之前廣後銳長

皇甫謐號
玄晏先生

十七時與從姑子梁柳等擊壤于路則晉時

尺四闊三寸其形如履臘節童少以為戲分部如槌一作

搏也經曰壤以木為之前廣後銳長尺四闊三寸其

形如履將戲先側一壤於地遙於三四十步以手中壤

敵之中者為上此言之最分明也然觀吳盛彥擊壤賦

曰論衆戲以為樂獨擊壤之可娛因風托勢罪一殺兩

罪一殺兩不可曉當是以手中之壤擊地上之壤如今

以錢取中之類也逸士傳所云壤父是猶稽康高士傳

曰堯時隱人年老以樹為巢而寢其上故人號曰巢父

許由所師者是也

抃

左思吳都賦曰翹關扛鼎抃射壺博李善注曰元帝時
覽抃射孟康曰手搏為抃按甘延壽以良家子善騎射
試抃為期門以材力愛幸觀此則知抃為武力之驍雄
者矣

安哉

李尤安哉銘曰安哉令名甘旨是盛埏埴之巧甄陶所

成食彼美珍思此鹿鳴此不知何器別無所著見雖是陶器未審其形製也

鷓鴣

揚雄酒賦曰鷓鴣滑稽腹大如壺晝日盛酒人復借酤常為國器託於屬車按史記吳王夫差取子胥尸盛以鷓鴣革而浮之江中應劭曰取馬革為鷓鴣鷓鴣榼形也唐韻曰甌丑饑切酒器大者一石小者五斗古之借書盛酒瓶則借書一甌當用此字或又用鷓鴣字者鷓鴣

亦盛酒器也所謂鷗夷滑稽腹大如壺蓋此物也山谷詩願公借我藏書目時送一鷗開鎖魚莫惜借行千里他日還君一鷗然則借書一鷗用鷗字也崔浩漢書音義曰滑稽酒器也轉注吐酒終日不已若今之陽燧樽

酒臺

晉舊事曰酒臺二金塗環鈕按周禮六彝皆有舟鄭司農曰舟下臺也今時承盤也今所謂臺盞盤盞並出此

古鐺

古銅鐺者龍首三足挹注以口翠蝕可玩因考晉舊事
有龍首鐺即是此類唐薛大昇賈敦頤鄭德本為刺史
皆有異政號鐺脚御史則鐺三足矣服虔通俗文曰𨔵
有足曰鐺笑林曰太原人夜失火欲出銅鐺乃得熨斗
便大驚怪曰異事火未至已被燒失脚亦言有足也述
異記有謂卿無溫鐺安得飲酒當是溫酒器也竟陵王
子良遺何點徐景山酒鐺宋景文公詩謝病歸裝能辦
未葛洪丹竈景山鐺當是酒具一日有人持一枚求售

且言以紙燃燈一枚引火鐺下酒可溫余曰吾齋所有
安知不解溫酒也乃取與俱則吾鐺中酒先熱售者大
駭携之去

下榻

徐穉字孺子豫章人陳蕃為太守不接賓客唯孺子來
特設一榻去則懸之又曰周璆字孟玉陳蕃為太守璆
來置一榻去則懸之也

出謝承後漢書

楊素詩獨坐對陳榻無

客有鳴琴韋應物詩方醉郡齋榻為酌離亭樽李商隱

詩登舟慚郭泰解榻愧陳蕃李白詩高人屢解陳蕃榻
過客難登謝朓舟許渾詩賓館盡開徐穉榻客帆空望
李膺舟前人用事只用孺子下陳蕃之榻未嘗用孟玉
事也

捫蝨圖

捫蝨圖唐人筆也筆如絲縷意度精到捫蝨乃王猛隱
華山桓溫入關猛披褐謁之一面談當代事捫蝨而言
傍若無人 趙仲讓為梁冀從事中郎將冬月坐庭中

向日解衣裘搏蝨因鵠卧形悉表露冀夫人襄城君見之大驚云北闕下向得一老翁不潔清當亟推問冀曰我從事中郎清高士也

風俗通

晉顧和字君孝王導為

揚州辟從事月旦當朝未入停車門外周顗遇之方搏蝨夷然不動北齊邢子才望實兼重不才位傲物士無賢愚皆願接對客或解衣覓蝨此但言搏蝨覓蝨也

澡盤

魏武上雜物疏有容五石銅澡盤古人制作其大如此
述征記曰長安逍遙宮門裡有澡盤面徑丈二殆所謂
可容五石者矣異苑曰中朝人有蓄銅澡盤旦夕常鳴
張華曰與洛鍾宮商相諧故相應錯鑢之乃止傳玄澡
盤銘曰與其澡於水寧澡於德水之清猶可穢也德之
興不可塵也其視商盤銘何啻天淵也大戴禮周武王
盤之銘曰與其溺於人也寧溺於淵此言有味

剔齒纖

陸雲與兄機書曰有別齒纖一枚以寄兄酉陽雜俎曰
仙人鄭思遠常騎彪故人許隱齒痛求治鄭拔彪鬚及
熱挿齒間即愈更拔數莖與之所謂纖者當是此類若
以金類絲類為之無足奇者何必寄耶

菴摩勒油

本草曰菴摩勒油可染白髮即餘甘子也核有五六稜
嵯含南中草木狀曰菴摩勒樹葉細似合昏花實似李
青黃色核圓作六七稜食之先苦後甘一名餘甘子術

士以變白鬚髮有驗出九真吳錄曰高涼安寧縣有餘
甘初食之味苦後更甘陳祈暢異物志曰餘甘大小如
彈丸初入口如苦咽口中乃更甜美鹽而蒸之尤美左
思吳都賦曰其果則丹橘餘甘荔枝之林

蜀石

有人遺余玉筆格一枚狀如漿水瑪瑙而非玉也因扣
之謂玉出嘉陵按司馬相如上林賦曰蜀石黃磬張揖
曰蜀石次玉者也嘉陵之玉蓋出於此

東牆

司馬長卿子虛賦曰東牆雕胡張揖曰東牆實可食蓋
不明言何物也按魏書曰烏桓地宜東牆注曰東牆似
蓬草實如葵子十月熟也廣志曰東牆色青黑粒如葵
子幽涼并皆有之西河語曰貸我東牆饋我田梁揖豈
不知出此

甘脆

似孫昔奉祝攢陵得牙盤食有所謂薄餌狀如薄脆而

甘脆特甚後閱范汪祠制曰孟夏祭有甘脆又盧諶祭法四時祠用安乾特束皙餅賦曰安乾粃粃之倫當是此類也

筮雨

沛獻王善京氏易永平五年京師少雨上饗雲臺自作卦以易林占之其疏曰蟻封穴戶大雨將至上以問輔輔上書曰塞艮下坎上艮為山坎為水山出雲為雨蟻穴居知雨雨將至故蟻為興

東觀漢記

荊州旱筮遇坎之比

坎者水也子爻為世今夜二更其有甘雨

金樓子

鄧艾當

伐蜀夢坐山上而有流水以問殄虜將軍袁紹紹曰易卦山上有水曰蹇蹇繇曰蹇利西南不利東北往必克蜀殆不還乎艾不樂

魏志

舐痔

莊子曰秦王有病召醫舐痔者得車五乘也韓子曰醫善吮人腸含人血非有肌骨之親也利之所加也宋景文公詩誰言舐痔非長策却得君王五乘車蓋有所譏

也

糲

服虔通俗文曰煮米為糲

所戰切

食經曰作糲法近水則

澁江西有所謂米纜豈此類也

鳥禦火

翠山有鳥名鷗

音壘

狀如鵲色赤黑兩首四足可禦火小

華山有鳥名鷺可以禦火將遇之山有鳥名鷗狀如翟

而赤喙可以禦火綠光山鷺

一作鷺

水出焉有鰓鰓之魚

其狀如鵲可以禦火崑崙山有木狀如棠而黃花赤實
其味如李其核名沙棠可以禦水食之不溺

山海經

詩安

得沙棠木剗以為舟船

茶

神農食經曰茶茗久服令人有悅志華佗食論曰茶久
食益意思壺居士食志曰苦茶久食羽化陶弘景新錄
曰茶茗輕身換骨桐君錄曰茗有真香煎飲令人不眠
以上所論皆嚴簡極品藻實錄之妙非區區茶經茶錄形

容所及爾雅曰早採者為茶晚採者為茗魏王花木志

曰老葉謂之茆當是薺字細葉謂之茗陸羽茶經一曰

茶二曰檟三曰葑四曰茗五曰薺

周公云檟苦茶蜀西南謂茶曰葑郭弘農

云早取為茶晚收為茗一曰薺葑薺尺兗切葑音設

晉杜育有薺賦曰調神和內

倦解疾愈此八字亦佳左思嬌女詩心為茶薺劇吹噓

對鼎鑪

一作烹

此詩奇古劇字晉人最好用所謂劇談劇

棋也

番虜矜茶

常魯使西番烹茶帳中番人問曰何為者魯曰滌煩療
濁所謂茶也番人曰我此亦有取以出指曰此壽州者
此顧渚者此蘄門者在唐時已為如此

諺

此只采古諺耳人有言曰及語
曰皆不錄說文曰俗言曰諺

諺曰人莫知其子之惡莫知其苗之碩大學吾王不遊吾

何以休孟子山有木工則度之賓有禮主則擇之左傳高下

在心川澤納汙山藪藏疾瑾瑜匿瑕左傳唯食忘憂左傳

衆心成城衆口鑠金國語寧為鷄口無為牛後史記桃

李不言下自成蹊

史記

千金之子不死於市

史記

力則任鄙

智則樗里

史記

家累千金坐不垂堂

史記

得黃金千斤不如

李布一諾

漢書

貂不足狗尾續

晉書趙王倫傳

死諸葛走生仲達

漢晉春秋

救寒無若重裘止謗莫若自修

梁祚魏國紀王景

解結理

煩我國陸君

張勃吳錄陸稠

難可狎李鱗甲

江表傳李藝

得黃金一

笥不如為柳伯騫所識

江表傳柳琮

生有知人之明死有貴

神之靈

三輔決錄游殷

人寧負人千石之粟不願負人猴頭羹

臙

臨海異物志安家夷皆好噉猴頭羹

察知淵魚者不祥智料隱逸者有

殃

子列

田父可坐殺晨出夜入自以性之恒啜菽茹藿自

以味之

子列

堯舜千鍾孔子百觚

一作瓢

子路嗑嗑尚飲百

榼

子孔叢

長袖善舞多錢善賈

子韓

烏窮則噉牛窮則卑人

窮則詐

子淮南

不聰不明不能為王不啞不聾不能為公

慎

人聞長安樂則出門而西向笑知肉味美則對屠門

而大嚼

桓譚新論

投鼠忌器

賈誼新書

侏儒見一節而長短可知

桓譚新論

魯班雖巧不能為乞丐者顏

王朗貧窶語

失晨之難思

哺更鳴

魏武遺令

鑒古物

張安世給事尚書上幸河東亡書三篋詔問莫能知唯
安世識之具作其事後求得書以相校無所遺失上奇
其才擢尚書令 晉太康中汲郡人發魏王冢得古文
竹書武帝付秘書詳校時束皙任著作郎得竹書隨義
注解皆有識證 周平蜀還得樂器皆莫之識太常少
卿斛斯澂直陵切見之曰此錡于也人弗之信澂遂依干
寶周禮注以芒莖搏之其聲極振衆乃歎服澂取以合

樂馬

三國
典器

陸澄字彥淵為博士竟陵王子良得古器

小口方腹底平可容七八勝

一作升

以問澄澄曰此名服

一作復

匿單于與蘇武子良又視器底有字髣髴可識如

澄說

襄陽有盜發古冢相傳是楚王冢獲竹簡書青

絲編簡廣數分長二尺皮節如新盜以把火照書後人

又得十餘簡以示撫軍王僧虔云是科斗書考工記周

官所闕

蕭子顯
齊書

張永嘗開玄武湖遇古冢冢上得一

銅斗有柄文帝以訪朝士何承天曰此亡新威斗三公

亡皆賜之一在冢內時三公在江左者唯甄邯為大司徒必邯之墓俄而又啟冢內更得一斗復有一石銘曰大司徒甄邯之墓江北有發古冢獲石銘曰青州世子東海女郎無能識者河東賈潤字希鏡見云此司馬越女嫁為荀晞子婦驗之果然後漢廣平王弟掘得古玉印勅詔祖瑩辨之瑩云此是于闐國王太康中獻乃以墨塗字觀之果如瑩言時人稱為博物梁劉顯字嗣芳沛國人任昉嘗得一篇缺簡書文字零落歷示

卜云其吉終然允臧

定之方中

爾卜爾筮體無咎言

氓

君一

作

民曰卜爾萬壽無疆

天保

卜筮偕止會言近止

杜扶

我龜既

厭不我告猷

小

爰始爰謀爰契我龜

繇

考卜維王宅是鎬

京維龜正之武王成之

文王有聲

握粟出卜自何能穀

小宛

繇之詩曰爰始爰謀爰契我龜毛鄭皆以契為開非也
契者合也古者卜人令龜已遂預取吉兆以墨畫其上
然後灼之灼文適順其墨是為食墨食墨者吉其兆不
應墨則云不食不食則龜不從也洛誥曰我卜河朔黎
水我卜澗水東瀍水西惟洛食是龜所食者畫洛之兆
而河朔黎水之兆不食也古公亶父之改居經始而謀
度之未敢以為可居也以墨令龜而兆與墨同故曰
契言人謀與龜相合也故曰爰始爰謀爰契我龜

書卜筮

龜筮協從卜不習吉

禹謨

龜從筮從

洪範

乃卜三龜一習吉

金縢

遺我大寶龜朕卜并吉

大誥

佅來以圖及獻卜

洛誥

春秋卜筮

楚伐鄭

一作鄭

莫敖曰請卜之鬬廉曰卜以決疑不疑何

卜遂敗鄭

一作鄭

師

晉獻公欲以驪姬為夫人卜之不

吉筮之吉卜人曰筮短龜長不如從長狐偃言于晉

侯曰求諸侯莫如勤王使偃卜之遇黃帝戰于阪泉之

兆 梁嬴孕過期卜招父與其子卜之其子曰將生一
男一女招曰然 衛遷於帝丘卜曰三百年 邾文公
卜遷於繹史曰利於君不利於民 齊侯戒師期而有
疾惠伯令龜卜楚丘占之龜卜有咎公薨 楚子圍鄭
鄭人卜行成不吉卜臨於大宮且巷出車吉 鄭皇耳
帥師侵衛孫文子卜追之獻兆於定姜 晉侯還及著
雍疾卜桑林見 鄭石奭言於子囊曰先王卜征五年
而歲習其祥 盧蒲癸王何卜攻慶氏示子之兆子之

曰克 楚人執吳蹶由欲以釁鼓王使問焉曰汝卜來
吉乎對曰吉 公卜使王黑以靈姑釭率吉請斷三尺
焉而用之 楚召觀從王曰唯爾所欲對曰臣之先佐
開卜乃使為尹卜靈王卜曰余尚得天下不吉 吳伐
楚陽句為令尹卜戰不吉 臧昭伯如晉臧會竊其寶
龜僂句以下為信與僭僭吉 衛侯將如五氏卜過之
龜焦 楚子在城父將救陳卜戰不吉卜退不吉王曰
然則死也卒於城父 楚昭王有疾卜曰河為祟 趙

鞅卜救鄭遇水適火史趙史墨史龜曰是謂沈陽可以
興兵 六經中無有不言龜筮者其用大矣記曰昔者
聖人建陰陽天地之情立為易易抱龜南面天子卷冕
北面雖有明知之心必進斷其志焉示不敢專以尊天
也又曰昔三代明王皆事天地之神明無非卜筮卜筮
不相襲夫天子立國大事必卜而況諸侯乎而況卿大
夫乎去古既遠專門寢廢歷筭醫卜之流往往無所著
見嗚呼

漢官

隨筆載漢有行冤獄使者

張敞殺
繁辭

美俗使者

何並代
嚴翊

河

隄使者

王延世
塞決河

直指使者

暴勝
之

皆不書於百官表因事

乃見者按漢史又有監北軍使者

武帝

都水使者

武帝

稻田

使者

昭帝
勸田使者
元帝教民趨時急
務出汜勝之書

護羗使者

成帝

併錄

之

壓角

唐兩省官上事皆宰相親送之上事官設床几面南判

案三道宰相別施一床坐於西隅謂之壓角不知何義亦不知所從起按唐裴坦傳令狐綯薦坦為知制誥裴休持不可不能奪故事舍人初詣省視事四丞相送之施一榻堂上壓角而坐坦見休重愧謝休哂然曰此令狐丞相之舉休何力顧左右索肩輿出宋次道乃云舍人上事必設紫褥於廷面北拜廳角閣長立褥之東北隅謂之壓角宋莒公作掖垣叢誌亦不解其事未知何者為是又唐國子祭酒李涪刊誤曰兩省官上事日宰

相臨馬上事者設床几面南而坐判案三道宰相別施一牀連上事官南坐于西隅謂之壓角自常侍而下以南為上差互相承實乖禮敬何不為丞相設位於衆官之南常侍諫議給事舍人循次而坐於丞相之下尊卑有序足以為儀由此觀之不獨中書舍人凡兩省官禮上宰相皆壓角也至五代馮道為宰相判狀尾罷之應自此閣長立東北隅猶謂之壓角如宋次道所記也又五代會要曰晉天福五年三月勅中書門下五品以上

於兩省上事宰相壓角之禮宜廢此禮今不復存惟中
書舍人上事日設氈褥於庭下北向再拜閣老一人別
設褥位立于東北隅候上事官拜畢則相與揖而升階
亦謂之壓角蓋有餘風也吳正憲詩壓角舊儀煩閣老
濡毫逋債費公移宋次道詩聖世建官追茂制唐家壓
角失前規

緯略卷四

欽定四庫全書

子部

緯略卷六

詳校官中書臣丁榮祚

貢外郎臣牛稔文覆勘

總校官知縣臣楊懋珩

校對官中書臣朱圻

膳錄監生臣汪緣

欽定四庫全書

緯略卷五

宋 高似孫 撰

黃銀

太宗賜房玄齡黃銀帶顧謂玄齡曰昔如晦與公同心輔政今日所賜獨見公因泣然流涕程氏繁露以為黃銀者果何物鍤石屬其殆鍤石也余攷之若以鍤為帶而賜大臣何足貴者按禮斗威儀曰君乘金而王則黃銀見當是瑞物北史辛公義為牟州刺史時山東

霖雨自陳汝至於滄海皆苦水災境內大麥獨無所損
山產黃銀獲之以獻益知其為異物 又虞世南書夫
子廟堂碑太宗賜之王羲之黃銀印一枚有表以謝若
以黃銀為鍮是恐不然 按唐書高宗上元元年詔九

品服淺碧竝鍮石帶八胯唐固自有鍮帶也 又按唐

慎微證類本草載霞子曰丹砂伏火化為黃銀能重能
輕能神能靈 唐日華子論曰銀凡十七品水銀銀白

錫銀曾青銀土碌銀生鐵銀生銅銀硫黃銀砒霜銀雄

黃銀雌黃銀鑰石銀惟有至藥銀山澤銀草砂銀丹砂
銀黑鉛銀五者為真餘則假也本草曰丹砂雄黃雌黃
皆殺精魅所謂黃銀者非丹砂銀即雌黃雄黃銀也太
宗賜帶之時如晦已死故帝曰黃銀鬼神畏之也顯慶
中監門衛長史蘇恭撰唐本草其中稱黃銀作器辟惡
益知黃銀為瑞物也方勺泊宅編曰黃銀出蜀中南人
罕識朝散郎顏京監在京抵當庫有以十釵質錢者其
色黃與上金無異上石則正白此說尤分明

玉剛卯

陳簡齋以玉剛卯壽向薌林詩曰仲冬吉日風穆氣休
我出剛卯以壽元侯祝融之玉奠此離方元侯佩之如
玉之剛攘蠲厲凶以迪明王南門不鍵有室剛強三肅
元侯既贈既禱曷以報我當以剛卯剛卯佩印其製外方內
圓以正月卯日作銘刻於上以辟邪厲詳見王莽傳及後漢與服志
簡齋詩十六句每句四字皆如剛卯之銘銘之文曰帝
令祝融以教變龍庶疫剛痺莫我敢當說文攴類釋效

改曰大剛卯也以逐精鬼從亥聲支類釋穀改曰大
剛卯以逐鬼魁也音義如魁从支已聲讀若已然則一名而異
製也

金鋪

通俗文曰門首飾謂之鋪首風俗通曰門戶鋪首揚雄
甘泉賦曰排玉戶而揚金鋪兮發蘭蕙與芎藭是也說
文曰門扇鑲謂之鋪首李尤平樂觀賦曰過洞房之輔
闔歷金鑲之華鋪是也通俗文又引百家書曰輸般見

水上蟲謂之曰開汝頭見汝形蟲適出其頭般以足畫
圖之蟲引閉其戶終不可開設之門戶欲使閉藏如此
固密也義訓曰門飾金謂之鋪鋪謂之鉅音歐今俗謂浮
漚釘者也劉孝威詩金鋪玉鐸琉璃扉花鈿寶鏡織成
衣江總詩鬼影脉脉照金鋪虬水滴滴瀉玉壺沈佺期
詩梅樓翠幌教春住舞閣金鋪借日懸

龔金

異物志曰狼臙民與漢人交關常夜市以鼻龔金知其

美惡王建詩生金有氣尋還遠仙藥成窠見即移金若
有氣誠可鑿矣 贊寧物類相感志曰山石盛夏必汗
出赤黃者金汗白辛者銀汗 地鏡圖曰凡觀金玉寶
劍皆以辛日平旦或黃昏夜半觀之 物類相感志又
曰嗅金獸生瀛洲山狀如麒麟不食惡卉不飲濁水嗅
石知有金玉吹開則金璞燦然可用獸尚有嗅金者而
况人乎

瑟瑟

程氏繁露援唐語林盧昂主福建監鐵有瑟瑟枕大如斗憲宗召估其直曰至寶無價或云美石非瑟瑟今世所傳瑟瑟或皆鍊石為之也 按明皇雜錄上於華清宮置長湯數十間屋以銀鏤漆船飾以珠玉又於湯中壘瑟瑟其言壘者當是珠類非石也 又按虢國夫人奪韋氏宅造中堂既成召匠巧量授二百萬償其直復賞以金杯二瑟瑟三斗其以斗計為珠明矣 物類相感志曰唐懿宗賜公主瑟瑟幕紋如碧絲貫以真珠則

是珠類尤明矣杜詩石笋行雨多往往得瑟瑟此事恍

惚難明論

注曰雨過人多得瑟瑟

按博雅曰瑟瑟碧珠也杜

陽雜編曰瑟瑟幕 寰宇記曰瑟瑟窟在陝州平陸

陳陶詩瑟瑟盤輕促世珠黃泥局瀉流年箭 孫何上

王翰林詩猩猩箋寫宮詞濕瑟瑟玉函盛手詔香益知其

為珠類也 宋景文公詩踏溪分藕養新荷鈿蓋斜臨

瑟瑟波又言其色之美也

藻井

西都賦曰蒂

一作帶

倒茄於藻井披紅葩之狎獵

魏都

賦曰綺井列疏以懸蒂注曰疏布也以板為井形飾以

丹青如綺也

王延壽魯靈光殿賦曰圓折方井交植

荷葉綠房紫葩

一作葩

咄咤垂珠

左思魏都賦曰綺井

列疏以懸蒂華蓮重葩以倒披

曹植七啓曰綺井含

葩金璧玉箱顏延之七繹曰木寓雲氣土秘椒芳既挺

天而倒井又斷圓而鏤方古人形容木工必言藻井者

若此 風俗通曰殿堂象東井形刻作荷菱水物所以

厭火也 沈存中筆談曰屋上覆檼古人謂之綺井亦曰藻井又謂之覆海今墳中謂之闢八吳人謂之愚頂頂唯宮室祠觀謂之藻井即天花板也

雁塔

西京記曰隋無漏寺在長安唐武德初廢正觀十二年高宗在春宮為文德皇后立寺於故基以慈恩為名西院浮圖高三百尺永徽五年沙門元楚所立國人謂之

雁塔

塔在長安朱雀街東第二街自北次南第十五坊南臨黃渠木竹陰翳最於京師沈佺期詩雁塔丹

青古龍池歲
月深即此

唐故事進士及第列名於慈恩寺塔謂之

雁塔題名塔以石為鐸唐人遊觀留題甚多不特進士
題名而已塔屢遭火斷石遺字猶有存者故哀其餘字
鐫之石凡十卷進士題名僅存數處餘皆唐賢遊觀留
題耳劉公嘉話曰慈恩題名起於進士張莒遊寺中題
其姓名于塔下遂為故事錢希白南部新書曰李肇初
及第題名於此李肇國史補曰進士既捷列名于寺謂
之題名本朝進士題名皆刻名於相國興國兩寺蓋效

慈恩也

璜

傳玄歌詩曰有所思兮在天一方何以贈之玉珮珠璜
此學四愁體也 楚辭曰璜臺十成誰可極焉 王逸

注曰璜石次玉也然周分魯公以夏后氏之璜杜預注
曰璜美玉名 按周官以玄璜禮北方則璜之色玄矣
說文以璜為半璧呂尚父釣磻谿之涯得玉璜當是古
人服用之遺也 宋向魑出奔衛公父文伯攻之求夏

后之璜與之他玉而奔齊則夏璜固在衛矣文中子曰
夏后之璜不能無類淮南子曰夏后氏之璜不能無考

考者
瑕也

辟邪研匱

古銅水滴色如漆狀極精古舊物也頭有兩角口銜匱

按孟康曰桃枝一名符枝似鹿長尾一角者為天祿

兩角者為辟邪此為辟邪也 沈文通集有天祿研

匱詩張君贈我古研滴四脚爬沙角如戟肉翼絡髀老

獸姿世不能名眼未識我知此為天祿兒口銜一寸黃
金匣蟾蜍嚼月兩吻圻天鯨胸穴雙泉飛玉聲琮瑋珠
迸落影射巖石光灑灑未央書殿立髻一作髮鬚曾見揚

雄老投閣子孫晚出中平間渴烏翻車灑平洛宗資墓
口卧露霜頭角頻挫仍騰攫爾來拂拭傍几案眉目睢
盱苔蘚剥形模不入世俗用疑付大手傳糟粕未能點
綴清廟頌開闢大易搞春秋就令闕五字末勢猶足為遷

彫物無貴賤繫所用千金乞我直暗投圖書散落愈闕

下晚歲惟有齏鹽謀學注蟲魚問老圃無乃塌颯為匹
羞

養和

程氏繁露載李泌訪隱選異采惟木蟠枝以隱背號曰
養和人至于今效之余按皮日休以五物送毗陵處士
魏不琢其一曰烏龍養和且曰有桐廬養和一恠形拳
跼坐若變去謂之烏龍養和皮陸皆有詩皮詩壽木拳
數尺天然形狀幽把疑傷虺節用恐被蛇瘤置合月觀

內買須雲肆頭料君攜去處煙雨太湖舟龜蒙詩養和
名字好偏寄道情深所以觀逋客兼能助五禽倚肩滄
海望鉤膝白雲陰不是逍遙侶誰知物外心

太玄經

先儒注太玄經每首之下必列二十八宿蓋周天二十
八宿三百六十五度四分度之一太玄經凡七百二十
九贊乃此數也以七百二十九贊分而為二合三百六
十四度有半宜若不相應予雲本意以為其半不可合

也故跼贊贏贊以應周天之數漢之正統以象數也莽之僭竊迺閏位也故先儒於跼贊贏贊之下注以為水火之閏王莽傳贊所稱餘分閏位者謂此

書訛

王嘉封事曰臣聞咎繇戒帝舜曰亡傲佚欲有國兢兢業業一日二日萬幾師古曰虞書咎繇謨之詞也言有國之人不可傲慢佚欲但當慎懼以理萬事之幾也音教教今尚書作無教逸欲有邦書序曰科斗書廢已久時教字訛寫作教字為曉然矣

人無能知者為隸古定更以竹簡寫之所以易訛也劉
貢父曰武成一篇簡冊錯亂兼有亡逸今次定之予小
子其承厥志以下武王之誥末終當有百王受命之語
計脫五六簡矣然後迺接以偃武修文云

易文言

易曰元者善之長也左傳曰元者體之長也易曰嘉會
足以合禮左傳曰嘉德足以合禮善之與體會之與德
其字不同其義則別易之文言以為孔子所作然孔子

生於襄公二十二年史作此筮乃襄公九年二語蓋在孔子之先也

十五國風一

十五國風獨無宋魯或曰孔子之先宋人也魯父母之邦也為尊者諱親者諱不列二國於變風之次且孔子生於襄公二十二年至二十九年季札來聘是年孔子生八歲季札請觀周樂為之歌周南下至曹風凡十五國正與今之詩一同未嘗有宋魯也宋魯不在變風之

列其來久矣自周南至於齊八國與今之次序同自豳風至曹風七國與今之次序異蓋當時魯國之序如此熟攷史記左氏可以言詩矣

十五國風二

十五國風次序或曰王黍離在邶鄘衛之後天子安得居諸侯後蓋存二代之後也周滅商分其畿內為三國邶鄘衛也紂城以北謂之邶南謂之鄘東謂之衛故以封紂子武庚也鄘管叔尹之衛蔡叔尹之以監商民謂

之三監三監叛周公誅之盡以其地封康叔故邶詩十
九篇鄘詩十篇衛詩十篇共三十九篇皆衛詩也序詩
曰以其地本商之畿故在於王忝離上列為三國而不
獨謂之衛也

嘯

嘯十五章一曰權輿嘯之始也二曰流雲三曰深溪彪
四曰高柳蟬五曰空林夜鬼六曰巫峽猿七曰下鴻鵠
八曰古木鳶九曰龍吟十曰動地十一曰蘇門孫登隱

蘇門山所作也十二曰劉公命鬼仙人劉根所作也十三曰阮氏逸韻阮籍所作也十四曰正章深遠極大非常聲也十五曰畢音五音之畢而大道畢矣

異苑又
矣較子

晉成公綏嘯賦曰精性命之至機妍道德之玄奧邈跨俗而遺身迺慷慨而長嘯逍遙攜手踟躕步趾發妙聲於丹唇激哀音於皓齒響抑揚而潛轉氣衝鬱而燦起協黃宮于清角雜商羽於流徵飄游雲于太清集長風乎萬里諒自然之至音非絲竹之可擬 阮籍遊蘇門

山山有隱者莫知其姓名有竹實數斛杵臼而已籍從之與談太古無為之道五帝三王之義蕭然曾不經聽籍迺對之長嘯清韻響亮蘇門生迺追爾而咲籍既降蘇門生亦嘯若鸞鳳之音 桓玄與袁宜都書論嘯曰讀卿歌賦序詠音聲皆有清味然以嘯為彷彿有限不足以致幽旨將未至耶夫神契之音既不俟多瞻而通其致苟一音足以究清和之極阮公之言不動蘇門之聽而微嘯一鼓玄默為之解顏若人之興逸響惟深也

哉 袁崧荅書曰嘯有清淨之美而無接引之深歌窮
淵根之致用之彌覺其遠至于吐詞送意曲究其奧豈
唇吻之切發一性之清冷而已哉若夫阮公之嘯蘇門
之和蓋感其一奇何為徵此一至大疑嘯歌所拘耶詩
曰其嘯也歌袁崧所用嘯歌迺詩中字也雜字解詁曰
嘯吹聲也說文曰嘯吟也

載事物之法

書顧命狄設黼宸綴衣

狄下士宸屏風畫為斧文置戶
牖間復設帷帳象平生所為

牖間南向敷重篋席黼純華玉仍几

篋挑竹枝白黑雜繒緣之華采色華

玉以飾憑几仍因也因生時几不改作此見群臣覲諸侯之坐

西序東向敷重底席綴

純文貝仍几

東西廂謂之序底簞萍綴雜采有文之貝飭几此旦夕聽事之坐

東序西

向敷重豐席畫純雕玉仍几

豐莞采色為畫雕刻鏤此養國老饗群臣之坐

西

夾南向敷重筍席玄紛純漆仍几

西廂夾室之前筍簞竹玄紛黑綬此親屬

私宴之坐故

越玉五重陳寶

於東西序坐北列玉五重又陳先王所寶之器物

赤刀大訓弘璧琬琰在西序

寶刀赤刀箭大訓虞書典謨大璧琬琰之珪為二重

大玉夷玉天球河圖在東序

三玉為三重夷常也球雍州所貢河圖伏羲氏王天

下龍馬出河遂則其文以畫八卦
謂之河圖與典謨皆歷代寶傳之
盾之舞衣大貝鼗鼓

在西房

盾國所為舞者之衣皆中法大貝如車渠鼗鼓長八尺商周傳寶之西房西夾在東允之

戈和之弓垂之竹矢在東房

兗和古之巧人垂舜共工所為皆中法故亦傳寶之

東房東廂夾室

大輅在賓階面綴輅在阼階面

大輅玉綴輅金面前階南向

先輅在左塾之前次輅在右塾之前

先輅象次輅木金玉象皆以飭車木

則無飭皆在路寢門之內左右塾前北面凡所陳列皆象成王生時華國之事所以重顏命

二

昔武王克商成王定之選建明德以藩屏周故周公相

王室以尹天下於周為睦分魯公以大輅大旂夏后氏之璜封父之繁弱殷民六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用即命於周是使之職事于魯以昭周公之明德分之土田陪敦祝宗卜史備物典策官司彝器因商奄之民命以伯禽而封於少皞之墟分康叔以大輅少帛靖茂旃旌大呂殷民七族陶氏施氏繁氏錡氏樊氏饑氏終葵氏封畛土略自武父以南及圃田之北竟取於有

閭之上以共王職取於相土之東都以會王之東蒐眡
季授土陶叔授民命以康誥而封於殷虛皆啓以商政
疆以周索分唐叔以大路密須之鼓闕鞏姑洗懷姓九
宗職官五正命以唐誥而封於夏虛啓以夏政疆以戎
索

玉窪

俗說曰毛泰買一玉窪八十八萬玉窪二字奇甚當是
酒器也古人詩中及酒器者如曹植詩玉樽列廣庭又

樂飲過三爵

沈約詩玉罌信湛湛又金餅汎羽卮

許渾詩晚促離筵醉玉缸伊州一曲淚雙雙 後漢辛

延年詩就我求清酒絲繩提玉壺 李賀詩玉罌汲水

桐花井絲蒨沉水如雲影 王建詩月似圓來色漸凝

玉盆盛水欲侵稜以上所用皆以玉為皿者皆不及玉

窪二字殊未經用也

佛鉢

西域諸國志曰佛鉢在軋陀越國青玉也受三升許彼

國寶之供養乞願終日花香不滿則如言也滿亦如言

也皮日休有佛鉢詩帝青玉作綠冰姿

佛律云此鉢帝青玉石也四天

王所獻也

曾得金人手自持拘律樹邊齋散後提羅花下洗

來時乳麋味斷中天覺麥麝香消大劫知從此共君親

頂戴斜風應不等閑吹陸龜蒙詩空王初受逞神功四

鉢湏臾現一重

至今鉢緣有四重也

持次想添香積飯覆時應帶

步羅鍾光寒好照金毛鹿響靜堪降白耳龍從此寶函

香裡見不煩西去詣靈峰皮日休詩序曰按釋法顯傳

云佛鉢本在毗舍離今在乾陀衛竟若干百年當復至
西月支國若干百年至于闐國若干百年當至屈茨國
若干百年復來漢地晉建興二年二聖像浮海而至滬
瀆僧尼輩取之以歸今存于開元寺後建興八年漁者
於滬瀆沙汭上獲之以為曰類乃葷而用焉俄有佛像
見於外漁者始以為異意滬瀆二聖之遺祥也迺以鉢
供之迄今尚存

紫團參

參花蜜

皮日休謝友人惠人參詩神草延年出道家

神草別名

是誰

披露記三椹開時的定涵雲液斲後還應帶石花名士
寄來消酒渴野人煎處撇泉華從今湯劑如相續不用
金山焙上茶陸龜蒙和之曰五葉初成椹樹陰紫團峰
外即雞林名參鬼蓋須難見材視人形不可尋品第已
聞升碧簡攜持應合重黃金殷勤潤取相如肺封禪書
成動帝心紫團迺山名今人以人參有紫暈者為佳殊
不然也沈氏筆談載王荊公病喘藥用紫團山人參不

可得時薛師政自河東還有之贈公數兩公不受其曰
紫團山者是矣王績詩家豐松葉酒器貯參花蜜參花
蜜三字甚生參花人所未識溫庭筠詩松刺梳空石差
齒香風軟透人參藥用參藥字益奇

蟹斷

陸龜蒙蟹志曰稻之登也率執一穗以朝其魁然後任
其所之蚤夜嘈沸指江南而奔漁者緯蕭承其流而障
之名曰蟹斷斷其江之故道焉耳蟹志蟹斷四字皆奇

吳都記曰江濱漁者挿竹繩編之以取魚謂之扈業
亦是類也孟浩然詩鳥泊襄陽雁魚藏縮項鰖又曰試
垂竹竿釣果得槎頭鰖又云土毛無縞紵鄉味有槎頭
杜詩復憶襄陽孟浩然清詩句句盡堪傳即今耆舊
無新語漫釣槎頭縮項鰖按杜田作杜詩補遺正槩曰
槎頭一說為襄陽郡地名一說為釣磯上枯木曾緯曰
非也爾雅曰槩謂之涿槩音孫炎釋曰積柴木水中養
魚槩為槎頭言所積柴木槎枒然也宋景文公詩煙

原射雉樂春慘養魚肥蓋用慘字又按習鑿齒襄陽耆
舊傳曰漢水中鰋魚甚美常禁人捕以槎斷水因謂之
槎頭鰋 宋張敬兒為刺史作六櫓船置獻齊高帝曰
槎頭縮項鰋一千八百頭以槎斷水者即龜蒙所謂斷
也

賦句相埒

丹旣玉燭萸英芝房

唐人慶雲抱日賦失姓名

銀甕金船山車澤馬

庚信賦

秦雲動色渭水躍波

喬潭裴將軍舞劍賦

洞庭安波楚山霽

色錢起洞庭張樂賦

下語有此相埒者溫庭筠湖陰曲曰吳波

不動楚山晚花壓闌干春晝長以賦中八字之意為詩一句尤為警拔

芍藥

詩溱洧曰維士與女伊其相謔贈之以芍藥注曰芍藥香草也陸璣詩義疏曰今芍藥無香氣非是也孔穎達亦曰未審何草皆非也牡丹古謂之木芍藥有所謂牡丹皮者宜於婦人是猶視爾如荻貽我握椒及椒聊之

實蕃衍盈升也椒性溫亦宜於婦人應劭漢官儀所謂以椒塗屋者取其溫暖也緇素雜記曰芍藥破血令人無子所以為男淫女也椒氣下達用以養陽所以為女淫男也以為頗得詩人深意左傳申叔展曰有山鞠窮乎杜預曰芍窮所以禦濕說文曰芍窮香草藥品各有種類豈可但曰香草也晉傅統芍藥花頌曰惟昔風人抗茲榮華蓋言花也宋王徽芍藥花賦曰惟神區之麗草兮憑厚德而挺授用麗草二字甚勝虞繁蜀

葵賦曰惟茲珍草懷芬吐芳梁王筠蜀葵賦曰惟此奇
草遷花西道傳咸芸香賦曰攜昵友以逍遙兮覽偉草
之敷英傳玄宜男花賦曰猗猗令草生於中方古人好
奇用字不肯蹈襲如此令草二字出楚辭也

三焦

彭山有隱者通古醫術與世諸醫所用法不同單驤從
之學盡得其術遂有醫名於世治平中予與驤遇廣都
論古今醫術同異驤既言其略復歎曰古人論五臟六

腑其說有謬者而相承不察欲以告人人誰信者古說
左腎其腑膀胱右腎命門其腑三焦女人以繫包以理
推之當如膀胱有形質可見而王叔和言三焦有臟無
形不亦大謬乎蓋三焦有形如膀胱故可以藏有所繫
若無其形尚何以藏繫哉其所以謂之三焦者何也三
焦分布人體中有上中下之異方人心湛然慾念不起
則精氣散在三焦華榮百骸及其慾念一起心火熾然
翕撮三焦精氣入命門之腑輸瀉而去故號此腑為三

焦耳世承王叔和之謬而不悟可為長太息也余甚異其說後為徐州從事有一舉子徐遁者石守道之壻也少嘗學醫療病有精思子為道驤之言遁喜曰齊嘗大饑群丐相鬻割而食之有一人皮肉盡而骨脉全者遁以學醫故往觀其五臟見右腎下有脂膜如手大者正與膀胱相對有二白脉自其中出夾脊而上貫腦意此即導引家所謂夾脊雙關者而不悟脂膜如手大者之為三焦也單君之言與所見懸合可以正古人之謬矣

龍川
志略

按漢白虎通情性篇曰六府者何謂也大腸小腸胃膀胱三焦膽也府者為藏宮府也故禮運記曰六情所以扶成五性也胃者脾之府也脾主稟氣胃者穀之委也故脾稟氣也膀胱者腎之府也膀胱常能有熟故先決難也三焦者包絡之府也水穀之道路氣之所終始也故上焦若竅中焦若編下焦若瀆膽者肝之府也肝者木之精也主仁仁者不忍故以膽斷也據此則三焦有形矣

位絕席

張禹遷太傅每朝見特贊與三公絕席

司馬彪續漢書

王常

為橫野大將軍位次與諸侯絕席

東觀漢記

鄧鴻為車騎

將軍位在九卿上絕席

章帝以城門校尉馬防為車

騎將軍位在九卿上絕席

漢雜事

絕席之禮漢世最以

為重也

諱

太史公父名談史記無談字季布傳改趙談作趙同范

曄父名泰後漢無泰字郭泰鄭泰皆作太字李翔父名
楚金故為文皆以金為鑑韓愈為李賀作諱辯特言言
在不稱微之說故愈父仲卿未嘗諱焉曹志植之子奏
議曰幹植不強不諱植字也

帶甲百萬

蘇秦說燕地方二千里帶甲百萬 張儀說韓王曰秦

帶甲百餘萬

戰國策

江乙對楚宣曰今王之地地方五千

里帶甲百萬

蘇秦南說楚曰西有黔中巫郡東有夏

州海陽南有洞庭蒼梧北有汾陰邠陽地方五千里帶

甲百萬

春秋
後語

吳趙咨使魏文帝問咨吳拒魏難否咨

曰帶甲百萬江漢為池何難之有 晉王戎謂齊王問

曰今王帶甲百萬其鋒不可當古者裨闔之士言富國

強兵者必曰有帶甲百萬事類此

緯略卷五

欽定四庫全書

緯略卷六

宋 高似孫 撰

和香方

范曄撰和香方其序曰麝本多忌過分必害沉實易和盈斤無傷零霍虛燥唐粘濕甘松蘇合安息鬱金奈多和羅之屬竝被珍於外國無取於中土又棗膏昏鈍甲煎淺俗非惟無助於馨烈迺當彌增於尤疾也所言悉以比類朝士麝本多忌比庾仲文零霍虛燥比何尚

之唐粘濕比沈演之棗膏昏鈍比羊玄保甲煎淺俗
比徐湛之甘松蘇合比慧琳道人沉實易和以自比也
山谷香偈我讀蔚宗傳風流不減二班者此也 梁武
帝祀地用和香杜佑注以地與人近宜加雜馥雜馥即
和香然則和香非始於梁也 何遜詩月暎九微火風
吹百和香 華嚴經曰鬻香長者善調香調香二字尤
佳 李賀詩練香薰宋鵲尋箭踏盧龍練香二字更好
也

竊香

郭子曰陳騫以韓壽為掾每會聞壽有異香香迺外國所貢一著衣歷日不歇騫計武帝唯賜已及賈充他家理無此香嫌壽與女通問之左右婢以實對騫迺以女妻壽晉書但云賈充女竊香耳此迺曰陳騫何耶庾信詩盤龍明鏡餉秦嘉辟惡生香寄韓壽 盧珣詩燃香望韓壽磨鏡待秦嘉 薛道衡詩月映班姬扇風飄韓壽香蓋皆用韓壽耳

香物 周禮名物

夢書曰夢得香物婦人歸也香物二字未有人用周禮專是言物曰珍用八物薦修之物肉物膳羞之物三酒之物醯物絲纊組文之物動物植物毛物魚物鱗物

魚物

二字出
敝人

膏物羽物毳物介物筴物羸物叢物十二壤之

物鄉三物馬牛之物牲物器物蓄聚之物米粟之物九穀之物米物六簋之名物雞牲之物玉瑞玉器之名物衣服之名物六龜之名物五雲之物旗物五路之物馬

量之三物戈盾之物弓弩矢名物山林之物川澤之物
金玉錫石丹青之物物物靈物然海物惟錯禹貢言之
好香

秦嘉荅婦徐淑書曰好香四種各一斤可以去穢淑荅
書曰未侍帷帳則芬芳不設如杜詩燈影照無睡心清
聞妙香但用妙香耳好香二字未經人用也聞妙香三
字出維摩經坐香樹下聞斯妙香 漢武內傳曰西王
母降熟嬰香等品多名異是蓋令種之類也

奔月

黃庭經曰高奔日月吾上道鬱儀結璘善相保梁丘子
曰鬱儀奔日之仙結璘奔月之仙七聖紀曰鬱華赤文
與日同居結璘黃文與月同居鬱華日精結璘月精也
歸藏經曰昔嫦娥以不死之藥奔月淮南子曰羿請不
死之藥於西王母姮娥竊而奔月注曰姮娥羿妻羿從
西王母請不死之藥姮娥服之得仙奔月為月精大洞
雌一篇曰日華玉堂仙母金丹在其內奔日月二景隱

文曰西玄山下洞臺中有鬱儀結璘經太上玄宮高上

臺阪

一作及

蓬萊府北室金

闕

玉壁刻此益備九真中經

曰奔日月之道太上太清

闕

九皇四司真人之所寶秘

玄元君之玉章也自非有

闕

玉名及東華紫字皆不得

聞見此鬱儀奔日結璘奔月章表篆詩長引逐清風高

歌送奔月

石流丹

神仙列傳曰許由巢父服箕山石流丹 抱朴子曰石

流丹者山之赤精蓋石流黃之類也 神農經曰石英
有五色者石脂有五色者流石有黃青白三色今藥中
流石用黃石英用紫 庾闡詩朝采石英礪左夕翳瓊
芝巖下此言石英耳 皮日休詩樣如金威小能輕微
潤將融紫石英此乃言紫石英也石脂用赤白他色少
用也 姚合詩石脂稀勝乳玉粉細如塵

龍門

三秦記曰龍門一名河津兩岸
有山魚不得上上即化為龍

李膺獨持風裁以聲名自高有被其容接者名為登龍

門 晉王衍善玄言唯談莊老為事理有所不安即改
更朝野翕然謂一代龍門 陸倕與任昉俱為竟陵王
西邸之客及昉為憲司簪裾輻輳預宴者號曰龍門之
遊 袁昂在朝蹇諤號曰宗臣雅有倫鑒遊處不雜入
其門者號曰登龍門

八蠶

左思吳都賦曰國稅再熟之稻鄉貢八蠶之綿李善注
曰劉欣期交州記曰一歲八繭蠶出日南按吳錄曰南

鄉郡一歲蠶八績 李賀詩將餽吳王八繭蠶正用此
事海物異名記曰八蠶綿者八蠶共為一大繭

蠶理

孫卿蠶賦曰蠶食桑而吐絲先亂而後治夏生而惡暑
喜濕而惡雨蛹以為母蛾以為父三俯三起事乃大已
是謂蠶理 汜勝之書曰衛尉上蠶法以農事人不可
忽略故衛尉勸之蠶法二字尤佳 陸龜蒙蠶賦曰荀
卿子有蠶賦楊泉亦有之皆言蠶有功於世不斥其禍

於民也余激而賦古民之衣或羽或皮夫蠶之生繭厚
絲美機杼經緯鸞鳳葩卉官誕益噉盡取後已伐桑滅
蠶民不凍死

輞川圖

朱景玄畫斷曰王維畫山水松石似吳生而風標特出
京師西塔院有輞川圖山谷鬱盤雲水飛動山谷詩
丹青出右轄詩句妙九州物外常獨往人間無所求袖
手南山雨輞川桑柘秋胸中有佳處涇渭看同流此詩

足以氣吞右轄筆墨今所見者摹本不足道也余與徐淵子同點檢南宮出右丞捕魚圖一卷如無咎公所題者余曰此善摹者為之徐不以為然一日得一卷僅存三分之一徐圖葭葦之外意其為水耳此特波濤浩瀾水痕浪迹一一畢具人物尤精絕淵子必欲易之余有難色已而又有卷題曰摩詰寒江釣雪上施秘閣之印此迺淳化以前未更秘書省印篆也畫筆奇古今不類世間所見山水圖也

秦太虛云子為汝南學官得疾卧直舍高符仲攜輜
川圖視余曰閱此可以愈疾子本江海人得圖甚喜
即使二兒從旁引之閱於枕上恍然與摩詰入輞川
度華子岡經孟城坳憇輞口莊泊文杏館上斤竹嶺
並木蘭柴絕茱萸泝躡槐陌窺鹿柴返於南北垞航
歌湖戲柳浪濯樂家瀨酌金屑泉過白石灘停竹里
館轉辛夷塢抵漆園幅巾杖履碁奕茗飲或賦詩自
娛忘其身之匏繫于汝南也數日疾良愈

萬年觴

兒寬傳曰兒寬為御史大夫從東封泰山登明堂寬奉觴再拜上千萬歲壽制曰敬舉君之觴 班超曰臣超區區特蒙神靈竊冀未便僵仆目見西域平定陛下舉萬年之觴 元和十四年齊魯初平宴羣臣裴度舉觴跪曰陛下德配天地明並日月神武獨斷冠逆削平願同上千萬歲壽上執酒為飲之 江漢詩曰虎拜稽首天子萬年虎拜稽首對揚王休作召公考天子萬壽此

漢唐奉觴所自也

方響

禮圖曰梁有銅磬蓋今方響也方響以鐵為之修九寸廣二寸圓上方下架磬而不設倚架上以代鍾聲人間用者纔三四寸樂府雜錄曰胡部無方響緣聲直拔不應諸調太宗內庫別收鐵方響一片應二十八調箏只有一宮商角羽四調臨時移柱應二十八調唐興慶宮龍池波湧得古鐵一片擊之乃宮架筌賓鐵此即方響也

雜俎曰蜀將皇甫直能別音律好彈琵琶元和中製
一調乘涼臨水池彈之本黃鍾而聲入蕤賓直甚怪
因易絃再三奏之聲如故試彈於他處則黃鍾也直
因調蕤賓夜復鳴絃於池上頃之覺近岸波動有物
激水如魚躍及下絃則沒矣明旦率力竭池池下獲
古鐵一片扣之迺方響蕤賓鐵也

唐咸通中有吳續打方響其妙超羣本李太尉家樂人
也唐李沆方響歌十六葉中侵索光寒玲震月雜珮璫

雲和不覺罷餘怨蓮峰一夜啼琴姜急節寫商商恨促
秦愁越調逡巡足夢入仙樓憂殘曲飛霜稜稜上秋玉
奇絕之辭牛闕亦有方響歌曰長短參差十六片敲擊
宮商無不遍筆力全不及

賜古物

太祖以素屏風憑几賜毛玠曰卿有古人之風賜卿所
宜之物

魏志

孔靈彥不仕太祖以白毛扇素几遺之曰

卿有古人之風故贈古人之物

吳均齊春秋

何點不仕豫

章王命駕造門逃去竟陵王子良聞之曰豫章王尚不屈非吾所識遺點嵇康酒杯徐景山酒鎗以通意 傳

昭字茂達為中書舍人身安麤糲高祖賜漆合燭盤等

物勅曰卿有古人之風賜卿古人之物

梁典

劉杳字士

深為步兵校尉東宮通事舍人昭明謂之曰酒是卿之

所好而居酒厨之職太子有瓠瓢食器以用錫焉曰卿

有古人之風故遺古人之物

梁典

琛版

仲長子曰笏以書君教令既善刺過今之版以象焉笏
用象板甚佳劉義恭啓事曰珍冠飾首琛版宜躬用琛
版益奇

累代文集

東晉丞相王導導子洽洽子珣珣子曇首曇首子僧綽
僧綽子仲寶仲寶子玄成玄成子規規子褒九代並有

文集

路敬淳
卓絕譜

晉太傅謝安生琰琰子混三代為僕射

並有文集 宋光祿大夫謝莊莊子朏朏子淪淪子覽

覽孫溫六代五人皆為吏部尚書並有文集 魏譙郡
太守江綦綦孫統子彪彪子顗顗子夷夷子湛湛孫
敷敷子清清子紛紛子聰九代有文集而史有謂七葉
之中人人有集者此也

累代列傳

東晉始興公王導九世有列傳 河東裴氏自魏晉宋
齊梁陳隋後魏北齊周十代皆有列傳魏有潛晉有秀
顏楷宋有松之齊有昇業昭明梁有子野遽陳有忌後

魏有駿升景延雋敬憲伯茂北齊有讓之周有舉長寬
狹杲隋有蘊肅之

諸子各習一藝

鄧禹十三子各習一藝晉劉殷字長盛七子各授一經
一子太史公漢書一門之中七葉俱興北州之學殷門
為盛

青陸

易通統圖曰日行東方青道曰青陸日行南方赤道曰

南陸日行西方白道曰西陸日行北方黑道曰北陸唯

東方以色言耳續漢書律厯志曰日行東陸謂之春却

曰東陸也

厯法天有黃赤二道日有九道此皆強名而已非實有也又曰天之有三百六十五度天

何嘗有度以日行三百六十五日而一期強謂之度以步日月五星行次而已日之所由謂之黃道南北極之中度最均處謂之赤道月行黃道之南謂之朱道行黃道之北謂之黑道黃道之東謂之青道黃道之西謂之白道黃道內外各四并黃道為九日月之行有遲有速難以一術御也故因其合散分為數段每段以一色名之欲以別筭位而已如筭法用赤籌黑籌以別正圓之數厯家不知其意遂以為實有九道也

宋景

文公曾用青陸二字

冰魚

晉王祥後母朱氏

王祥世家曰祥父融娶高平薛氏生祥繼室以廬江朱氏生覽

常欲

得生魚時寒冰凍結祥解衣將剖冰求之冰忽自解雙

鯉躍出

晉陽秋曰祥母患疾盛寒冰凍每欲生魚祥解衣將剖冰求之會有一處冰小解魚出陽秋之

叙事如此辭精事覈今併錄於此

王延西河人繼母卜氏盛冬思魚勅

延求而不獲延尋汾叩冰而哭得一魚

見崔鴻十六國春秋前趙錄

曾存之詩椎冰小鯉應堪鱸掃岸疎梅未放花蓋用王

祥事李商隱詩魚因感姜出鶴為弔陶來却用姜詩事

姜詩事母孝母好飲江水兒汲水溺死其妻恐母知之詐云行學歲作衣投江中俄而泉出舍側味如江水井且出鯉魚一雙

懷果

殷輝字子倫汝南人每得甘果持歸進其母 黃昌字

聖真會稽人得珍玩可食之物歸以進母

並謝承後漢書

陳

徐孝克事所生母彌盡每侍宴無所噉高祖審記以問

中書舍人管斌斌不能對自是斌覘之見取珍果內於

懷袖還以遺母斌白高祖祖嘆嗟令所司自今宴享孝克

前饌以餉其母 孟宗江夏人遷吳令時制不得將家

行每得時味必以寄母

千寶
晉紀

如此等事不止懷橘也張

祐詩懷中陸續橘江上伍胥濤錢起詩節下趨庭出秋
來懷橘情二詩皆用陸氏事

坤王兌相

五行休王論曰立秋坤王兌相乾胎坎沒艮死震囚巽
廢離休

魚負冰

易通卦驗曰大雪魚負冰鄭玄曰魚負冰上近冰也負
冰言解蟄也夏小正曰魚陟負冰也陟升張嘉貞詩河
魚未上凍江蟄已聞雷武三思詩凍解魚方戲風暄
鳥欲啼

冬至

孝經說曰斗指子為冬至至有三義一者陰極之至二
者陽氣始至三者日行南至故謂為至歷義疏曰大雪
十一月節月之初氣也言太陰之氣以大水凝為雪故

曰大雪冬至十一月之中氣也言冬至者極也太陰之氣生於太陽太陽之氣下極於地寒氣已極故曰冬至以其一陽復生是以冬賀也亦以日之行天至於巽維東南角極之于此故曰冬至

豹尾

成帝大幸趙昭儀每上甘泉宮嘗從在屬車豹尾中揚子雲甘泉宮賦曰珍臺閒館璇題玉英蜎蜎蠖蠖之中唯夫所以澄心清魂儲精垂思感動天地逆釐三神又

曰想西王母欣然而上壽考兮屏玉女而却宓妃皆譏
帝也可謂制作之妙矣 蔡邕獨斷曰大駕屬車八十
一乘最後一車懸豹尾已前比省中 崔豹古今注曰
豹尾車周制象君子豹變言尾謙也古軍正建之今惟
乘輿焉 江南錄曰古諸侯二車九乘秦滅九國兼其
車服故大駕屬車八十一乘尚書御史乘之最後一車
懸豹尾 李商隱詩直登宣室螭頭上橫過甘泉豹尾
中正用此 費昶詩一辭豹尾內長別屬車垂 權德

與詩豹尾從風直鸞旗應日翻
宋呂公詩新陪豹尾
乘便襲虎頭囊

河冰合

漢世祖至下曲陽傳云王郎兵至從者恐及至滹沱河
水流無船可濟官屬大懼世祖令王霸往視還曰冰堅
可渡世祖遂前北至河河冰合矣

獨孤及漢光武渡滹沱河冰合賦曰昔漢光武收河
北之年馳馬將進滹沱在前為敵所迫當冰不堅及

軍裝隱幘以登岸殺氣崢嶸而塞川意者欲定神氣
於茲日彰至人之動天若非使不道者喪有德者王
則水不能以造次而結冰不能以斯湏而壯變浩浩
之流為戕戕之狀擁高旌以進雷長轂以上及企路
以全軍又迎風而破浪

慕容德正月渡黎陽津流澌冰合鄴令韓軌言於德曰
光武渡滹沱河水自合大王濟黎陽津橋自成德大悅
改黎陽津為天津橋

燕錄

石勒逆戰劉曜於洛陽從大

河南濟時凍合軍至而河水自泮舟楫無闕遂生擒曜
謂是神靈相助改名靈昌津石勒迺以河泮而策勲也

日觀

漢封禪儀曰泰山東南有山名日觀雞一鳴時見日始
出長三尺秦觀者望見長安吳觀者望見會稽周觀者
望見齊泰山記曰周觀者望見鎬黃河去嶺三百餘里
望見如帶 應劭漢官儀曰泰山東南名曰日觀雞鳴
時見日丁春澤日觀賦曰昔者帝王御宇立極垂統封

禪及此成功巡狩應其春仲莫不登茲絕頂遐燭大明
思照姬之義窮造化之精以為日象一人之德嶽是三
公之名信王侯之設險俾夷狄之來平 又唐人日觀
賦曰泰嶽東南峯開一室旁接天路低臨曉日陰埋玉
兔動霄漢之微明報曉天雞越氛埃之迥出 梁李鏡
遠詩始臨東嶽觀俄升若木枝

木序

皮日休詩白月半窓杪木序清泉一器授芝圖殊不曉

術序所出後讀道藏仙經有載紫微夫人撰術序其畧
曰吾察草木之勝負益於已者不及術之多驗乎所以
長生久視遠而更靈非謂諸物減於術也以術之用今
之所要末世多疾宜當服餌夫道有內足者猶畏外事
之禍有外足者亦或中崩之弊我見山林隱逸得服術
者比肩五嶽今撰術數方以傳好尚此服術之法也梁
庾肩吾有荅陶隱居賚術煎啓曰木榮火謝盡采擷之
難啓旦移巾窮淋瀝之劑故能競爽雲珠爭奇水玉此

妙於餌術者列仙傳載涓子餌術陳子皇餌術南陽文氏食術皆得法者也

日休之言術序迺深得乎服餌之法其詩又曰多攜白朮鍾愛買紫泉缸又曰倚杉閑把易燒朮靜論玄又曰白石靜敲蒸朮火清泉間洗種花泥又曰度日竹書千萬字經冬煎朮兩三缸皆言術也

花信麥信

徐鉉歲時記曰三月花開名花信風東臯雜錄曰江

南自初春至初夏有二十四番風信 呂氏春秋曰春

之德風風不信則花不成 晏元獻公詩春寒欲盡復

未盡二十四番花信風 崔德符詩亦曰清明煙火尚

闌珊花信風來第幾番 徐師川詩一百五日寒食雨

二十四番花信風 尹遷詩曉雨催花信春衣污酒痕

張漣詩春容將變臘暖信已驚花皆言花信也 皮

日休詩潮期暗動庭泉碧梅信微浸地障紅 李昭玘

詩凍雲欲雪雁聲過臘酒正香梅信來則言梅信也

王履道詩桃花春有信結子徧昭陽則言桃信也 國
史補曰江淮船汭流而上常待東北風謂之信風七八
月有上信三月有鳥信五月有麥信 沈存中筆談石
淙詩序曰屏梅氣而蕩燠清麥候而含涼者麥信也筆
談又曰北方有白雁似雁而小色白秋深至則霜降河
北人謂之霜信 杜甫詩故國霜前白雁來

漢九州

漢光武省郡國四百餘所為十三州部司隸理河南洛

陽豫州理譙

今亳

兗州理昌邑

今兗州金鄉縣

徐州理邳

今泗

邳縣

青州理臨淄

今青

涼州理隴

今秦州隴城縣

并州理晉陽

今太

原府

冀州理鄆

今趙州高邑縣

幽州理薊

今幽州薊縣

揚州理歷陽

州縣

荊州理漢壽

今朗州武陵縣

交州理廣信

今梧州蒼梧縣

益州理廣漢

至於漢末加置郡國百有五凡縣千一百八十東有樂

浪郡西有燉煌郡北有雁門郡西南有永昌郡廣袤如

前漢漢官解詁曰冀趙常山

胡廣注曰經曰冀州既載居趙國今治常山

充

衛濟河

經曰濟河惟兗州居衛國今治山陽

青齊海岱

經曰海岱惟青州居齊國今治焉

徐魯淮沂

經曰海岱及淮惟徐州又曰淮沂其入居魯國今居豫州而治東陽揚吳彭蠡

經曰淮海惟揚州又曰彭蠡既豬居吳國今治九江

荆楚衡陽

經曰荆及衡陽惟荆州居楚國今治

武陵益康岷梁

經曰華陽黑水惟梁州漢改梁州為益州今治廣漢梁邠黑水

經曰黑水

西河惟雍州居邠國漢改雍州為邠州右扶風邑縣居司隸部不復屬州今治漢陽雍州朔方

漢別

雍州之地置朔方刺史

交趾南越

漢平南越之地置交趾刺史列諸州今治蒼梧

幽燕朝

鮮

經無幽州而周官有焉蓋翼之別也居燕國今廣陽是

并代晉陽

經無并州而周官有焉梁

州之別也楊泉物理論曰九州變易交錯不同禹貢有梁州

無并州周官有并州無梁州爾雅有營州無青州漢興

武帝開拓三方立十三州通并梁之數而增交益焉

女史

詩曰靜女其嬈貽我彤管

后夫人必有女史書其日月而以環退退之生子月辰則

金環退之當御者以銀環退之着于左手既御着于右手事無大小記以成法

毛詩義疏曰女

史彤管法如國史主記后夫人之事周禮曰女史八人

女史女奴曉書者

掌內治之貳以詔后治內政書內令漢班婕

妤自傷賦曰陳女圖以鏡鑑顧女史而問詩范曄後漢

書曰頒官分務各有典司女史彤管記功書過晉記曰

元康中司空張華懼后族之盛作女史箴

華箴曰歡不可瀆寵不可專專實生慢愛極則遷致
盈必損理有固然其義精好 裴頠亦有女史箴曰
膏不厭鮮水不厭清玉不厭潔蘭不厭馨尤妙後漢
皇甫規女師箴曰奉上惟敬撫下惟慈怨豈在明患
生不思更佳沈約宋書曰女史執策記言是司專貞
內表妖蠱外息又曰太宗留心後房置內職紫極房
光興房各女史一人

天子目送之

絳侯為丞相朝罷趨出上禮之恭常目送之 晉文帝
器重魏舒每朝會罷目送之曰魏舒堂堂人之領袖

濯纓

孟子孺子歌曰滄浪之水清兮可以濯我纓滄浪之水
濁兮可以濯我足 楚辭曰滄浪之水清可以濯我纓
滄浪之水濁可以濯我足 文中子曰混混之水濁可
以濯我足悠悠之水清可以濯我纓全不侔矣 書曰

又東為滄浪之水注曰別流在荊州宋永初山川記曰漢水古為滄浪即漁父所云滄浪之水今滄浪水合流出鐔城北界山此蓋後人名之非古滄浪也 荊州圖經曰武當縣西北四十里江中有滄浪州長四里廣十三里禹貢稱漢水東流為滄浪水疑此州是也

太史公詩論

史記曰古詩三千餘篇孔子上采契后稷中述殷周之盛下至幽厲之缺始於衽席故關雎為國風始鹿鳴為

小雅始文王為大雅始清廟為頌始三百五篇皆絃歌
之以求合韶武雅頌之音禮樂自此可得而述此論奇
妙其言詩至矣盡矣學者試思之

蔡子池石硯

宋永初山川古今記曰興平縣蔡子池南有石百丈許

石青色堪為硯

一云出劉澄之江州記

又按唐仲雍州記曰應陽

縣蔡子池南有石白云是蔡倫紙白此當又是一池也

太牢

左氏傳曰僖公十五年秦改館晉侯饋七牢焉注曰牛

羊豕各一為一牢吳責晉饋百牢亦類此數也牛羊豕

具為太牢有羊豕而無牛為少牢

漢書昭帝紀賜郡國所選有行義者人帛

五十匹詔曰不幸者祠以中牢師古曰中牢即少牢謂羊豕也

今只以牛為太牢羊為

少牢非也襄公二年曰馬牛皆百疋如司馬兵法曰兵

出馬一疋牛三頭然則牛當稱頭此言疋者合言之耳

宋沈攸之使范雲餉武陵王贊犢一羸牛亦可稱羸也

丙穴

周地圖記曰順政郡丙穴以其口向丙因以為名沮水經穴間而過或謂之丙水每春三月上旬後有魚長八九寸或二三寸從穴出躍相傳名為嘉魚水經曰丙穴出嘉魚常以三月出十月入穴口廣五六尺去地七八尺水泉懸注魚自穴下透入水穴口向丙故曰丙穴左太冲蜀都賦曰嘉魚出於丙穴詩曰南有嘉魚詩義疏曰嘉魚無鱗皮青長三五尺任豫益州記曰嘉魚細鱗蜀中謂之拙魚蜀郡山處處有之年年從石穴中出錄

異記曰嘉魚鯪魚也形如鱖人以芭蕉葉隔火炙之肥
美莫及洛陽有味魚亦此類杜詩魚知丙穴由來美酒
憶郢筒不用沽

褊襪

音奈戴

晉程曉詩曰平生三伏時道路無行車閉門避暑卧出
入不相過今世褊襪子觸熱到人家主人聞客來頻蹙
奈此何謂當行起去安坐止跔跨上音盤下音跨所說了無急
啗哈一何多疲倦向之久咲問君極那搖扇臂中痛流

汗正滂沱莫謂此小事亦是人一瑕傳戒諸高明熟行
宜見呵聲類曰褊褊不曉事之稱也山谷和錢穆父贈
松扇詩可憐遠渡幘溝淒適堪今時褊褊子

燭龍

山海經曰鍾山之神名曰燭陰

燭龍也是
燭九陰也

身長千里視

為晝瞑為夜吹為冬呼為夏括地圖曰鍾山之神名

曰燭龍視為晝瞑為夜吹為冬呼為夏息為風楚辭

曰日安不到燭龍何照王逸曰言天西北無日之國

有龍銜燭而照之詩含神霧曰天不足西北無有陰陽
故有龍銜火精以照天門中也 謝惠連雪賦曰爛兮
若燭龍銜耀照崑山 張說賦曰南窮火鼠之譯北盡
燭龍之會此二句用事新而壯

蓬萊

神仙傳麻姑謂王方平曰自接待以來三見海水變為

桑田蓬萊之清淺也

列仙傳曰麻姑謂王方平曰自接待以來見東海三變為桑田向到

蓬萊水乃淺於往者畧半也豈復為陵谷乎 王氏神仙傳曰王方平過蔡經家因遣人召麻姑姑至年十八

九頂中作髻餘髮垂腰既坐各進行厨金杯玉盤麟脯
仙饌非人世所有姑曰自接待以來見東海三變為桑
田向到蓬萊水復淺于舊矣殆還為陵陸乎方
平曰海中行復揚塵也二傳文有同異並錄之

山海

經曰蓬萊山海中神山列子曰渤海之東有大海其中

有山曰岱輿曰負嶠曰方壺曰瀛洲曰蓬萊玄中記曰

東南之大者有巨鰲以背負蓬萊山十洲記曰蓬萊山

外別有員海繞之是為溟渤無風而洪波百丈有九氣丈

人九天真君宮則蓬萊固在海中也

謝自然欲過海求師蓬萊或笑曰蓬萊隔弱水三千

萬里不可到天台有司馬子微身居赤城名在絳闕真
良師也可往從之自然迺回受道于子微白日仙去

探策十八

風俗通曰古封泰山禪梁甫舊說岱嶽上有金篋玉策能知人年壽脩短漢武帝探策得十八因倒讀曰八十其後果壽八十沈佺期中宗誕日應制詩祚延金篋裏歌奏玉筐前用此事甚工


舜祠絃歌聲

羅含湘中記曰衡山九疑皆有舜廟太守至郡遣官屬致祀則聞絃歌之聲王歆之神境記曰九疑是舜之葬

處也有青澗中有黃色蓮花芳氣竟谷此山之表復有二峯望之迺似人形暎出雲端如玉積高於諸山頂有飛泉如帶舜廟在山之陽人有入廟中者常聞絃歌之聲魯恭王登孔子舊宅聞絲竹金石之聲固有此事也

辛菜

字林曰蔞一作蔞辛菜也辛菜二字佳南都賦注引說文曰蔞辛菜也



緯略卷六